



Pou Biblikasyon Imedya: 18/10/2023

GOUVÈNÈ KATHY HOCHUL

GOUVÈNÈ HOCHUL AP SIYEN LEJISLASYON POU PWOTEJE TIMOUN NEW YORK K AP PATISIPE NAN KAN JÈN YO KONT PREDATÈ SEKSYÈL YO

Lejislasyon S.6063/A.4117 mande Depatman Sante Eta a pou fè rechèch nan baz done agresè seksyèl nasyonal la anvan yo anboche nouvo moun nan kan jèn yo

Gouvènè Kathy Hochul te siyen lejislasyon enpòtan sou pwoteksyon timoun pou fanmi ki voye timoun yo nan kèk kan. Lejislasyon S.6063/A.4117 mande [Depatman Sante Eta New York \(New York State Department of Health, NYS DOH\)](#) la pou egzije operatè kan timoun ki pa règlemente yo fè rechèch nan baz done agresè seksyèl nasyonal la anvan yo anboche yon anplwaye oswa volontè.

"Kenbe timoun nou yo an sekirite se yon priyorite prensipal pou mwen kòm Gouvènè New York", **Gouvènè Hochul te deklare**. "Mwen fyè pou m siyen lejislasyon sa a pou asire ke chak timoun ki ale nan kan atravè Eta New York yo pwoteje kont predatè yo. Avèk nouvo lwa sa a, nou pral ede bay operatè kan yo ak fanmi yo plis lapè nan tèt nan konnen timoun nou yo an sekirite".

Lejislasyon S.6063/A.4117 amande lwa New York aktyèl la pou egzije kan a izaj inik ak kan DOH règlemente yo pou fè rechèch nan rejis nasyonal agresè seksyèl yo atravè baz done piblik Depatman Jistis (Department of Justice, DOJ) Etazini an. [Sitwèb Piblik pou Agresè Seksyèl Nasyonal \(National Sex Offender Public Website, NSOPW\)](#) DOJ a, ki te kreye an 2005, se sèl sit federal ki konekte rejis eta agresè seksyèl yo pou tounen yon sèl sit rechèch nasyonal. Itilizatè yo ka chèche yon moun yo konnen atravè: 1). Non; 2). Adrès; 3). Kod postal; 4) Konte; oswa 5) Vil oswa Lokalite.

[Rejis Eta New York](#) la bay detay sou (pami lòt done) 'nivo risk' detèmine pou tout moun ki nan lis la, ke yon jij detèmine davans. Kalite enfòmasyon ki disponib atravè sit la depann de kote moun nan tonbe ant Nivo 1, 2 ak 3. Lwa Piblik Eta a egzije [Divizyon Sèvis Jistis Kriminèl \(Division of Criminal Justice Services, DCJS\)](#) Eta New York la pou yo ajoute moun yo detèmine ki gen risk residivis nivo 2 oswa 3. Nou ka jwenn plis enfòmasyon sou egzijans Depatman Sante (Department of Health, DOH) Eta New York pou kan jèn yo [isit la](#).

Komisè Depatman Sante Eta New York la, Doktè James McDonald, te deklare, "Lè paran yo voye pitit yo nan kan dete yo merite konfò pou yo konnen ke timoun yo an

sekirite epi yo gen yon eksperyans agreyab. Mwen remèsyé Gouvènè Hochul paske li siyen lejislasyon ki pwoteje timoun yo ak soulaje enkyetid paran yo lè yo lwen".

Senatè Eta a, Pete Harckham, te deklare, "Lejislasyon sa a egzije pou tout kan timoun nan tout eta a jwenn aksè nan rejis nasyonal agresè seksyèl yo pou tcheke antedesan—yon resous enpòtan nan asire sekirite timoun nou yo ak pwoteje yo deyò lakay yo. Mwen di Gouvènè Hochul mèsi poutèt li siyen pwojè lwa sa a".

Manm Asanble Amy Paulin te deklare, "Lè paran yo voye pitit yo nan kan dete yo, yo vle pitit yo gen yon eksperyans amizan ak an sante, men sitou yo ta dwe gen lapè nan tèt nan konnen ke pitit yo nan yon anviwònan ki an sekirite. Avèk lejislasyon sa a, tout kan yo dwe tcheke antedesan anplwaye ak volontè yo nan rejis eta ak nasyonal agresè seksyèl yo. Mwen remèsyé Gouvènè Hochul paske li te pran mezi sa a pou l adopte lwa bon sans tankou sa a, ki pwoteje timoun nan kan dete yo atravè Eta New York".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418